



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 04-1-16-10-298-17/15
Sarajevo, 20.10.2015. godine

Na osnovu člana 61. člana Zakona o upravi („Službeni glasnik BiH“, br. 32/02 i 109/09), člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14), direktor Centralne harmonizacijske jedinice Ministarstva finansija i trezora BiH, donosi

ODLUKU

o izboru najpovoljnijeg ponuđača za nabavku službenog automobila

Član 1.

Prihvata se preporuka Komisije za javne nabavke, da se nakon provedenog konkurentskog zahtjeva za nabavku službenog automobila za potrebe Centralne harmonizacijske jedinice Ministarstva finansija i trezora BiH, Ugovor zaključi sa najpovoljnijim ponuđačem ABC 1968 d.o.o. Sarajevo po ukupnoj cijeni ponude u iznosu od 19.974,36 KM bez PDV-a.

Član 2.

- (1) Ponuđač ABC 1968 d.o.o. Sarajevo kojem se dodjeljuje predmetni Ugovor dužan je dostaviti dokaze o kvalificiranosti prema tački D. 2) tenderske dokumentacije u roku od 5 (pet) dana od dana prijema ove Odluke.
- (2) U slučaju da ponuđač ABC 1968 d.o.o. Sarajevo propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača se poništava.

Član 3.

- (1) U skladu sa članom 98. stav (5) Zakona o javnim nabavkama Bosne i Hercegovine, Ugovor za predmetnu nabavku dostavit će se ponuđaču ABC 1968 d.o.o. Sarajevo najkasnije u roku od 10 (deset) dana od dana donošenja ove Odluke.
- (2) Predmetni Ugovor se zaključuje na određeni period do potpunog izvršenja obaveza obje ugovorene strane.

Član 4.

- (1) Ova Odluka će se objaviti na internet stranici Centralne harmonizacijske jedinice Ministarstva finansija i trezora BiH, istovremeno sa upućivanjem iste ponuđaču ABC 1968 d.o.o. Sarajevo koji je učestvovao u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.
- (2) Odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke broj: 04-1-16-10-298-1/15 od dana 16.09.2015. godine pokrenuta je nabavka službenog automobila za potrebe Centralne harmonizacijske jedinice Ministarstva finansija i trezora BiH, putem konkurentskog zahtjeva.

Ugovorni organ objavio je obavještenje o pokretanju predmetnog postupaka na Portalu javnih nabavki BiH, broj obavještenja: 1130-7-1-9/15 od dana 22.09.2015. godine.

Komisija za javne nabavke imenovana Rješenjem direktora Centralne harmonizacijske jedinice Ministarstva finansija i trezora BiH blagovremeno je dostavila Zapisnik o otvaranju ponuda i Zapisnik o pregledu i ocjeni zaprimljenih ponuda.

Iz navedenih Zapisnika proizlazi da je u predviđenom roku za dostavu ponuda pristiglo tri ponude koje su blagovremeno zaprimljene i to: HERCEGOVINAPROMET d.o.o. Bišće Polje Mostar, ABC 1968 d.o.o. Sarajevo i C-AUTO d.o.o. Banja Luka.

Nakon pregleda, Komisija je konstatovala da ponuđač HERCEGOVINAPROMET d.o.o. Bišće Polje Mostar nije dostavio tražene dokumente u skladu sa zahtjevima iz tenderske dokumentacije, te da je njegova ponuda neprihvatljiva, odnosno ponuđač nije kvalifikovan.

Komisija je konstatovala da su niže navedeni ponuđači uz dokaze kojima dokazuju da su zadovoljili uslove za učešće, čime se smatraju kvalifikovanim, dostavili i vrijednosti svojih ponuda, kako slijedi:

1. ABC 1968 d.o.o. Sarajevo, čija ukupna vrijednost ponude iznosi 19.974,36 KM bez PDV-a;
2. C-AUTO d.o.o. Banja Luka, čija ukupna vrijednost ponude iznosi 20.213,68 KM bez PDV-a.

Nadalje, Komisija je dala preporuku direktoru Centralne harmonizacijske jedinice Ministratsva finansija i trezora BiH, da pristupi dodjeli Ugovora najpovoljnijem ponuđaču ABC 1968 d.o.o. Sarajevo, koji je dostavio ukupnu cijenu svoje ponude u iznosu od 19.974,36 KM bez PDV-a, te ponudio putničko vozilo Citroen C-Elysee Exclusive BlueHDi 100 BMV.

U postupku ocjene pravednog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za pružanje predmetnih usluga.


Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Ugovor se dodjeljuje ponuđaču ABC 1968 d.o.o. Sarajevo, koji je dostavio ukupnu cijenu svoje ponude u iznosu od 19.974,36 KM bez PDV-a za putničko vozilo Citroen C-Elysee Exclusive BlueHDi 100 BMV.

Iz navedenih razloga, donesena je Odluka kao u dispozitivu.

Pouka o pravnom lijeku:

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.



DIREKTOR

Ranko Šakota

Dostaviti:

- ponuđačima,
- a/a